



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XII. Die Ianvarii.

urn:nbn:de:hbz:466:1-9625

Eucharistia.

sti mensæ acumberet. Confestim ergo vestes illi porrigi præcepit, ac dixit: *Surge, age: atque ad Sanctissimum Sacramentum te confer, gratias Deo pro sôpitate hac redditurus.* Surrexit obedienter Franciscus repentinò sanus: templum adiit; gratias egit. Postmodum ad barbaros Tapoias missus, per famem, sitim, frigora, per aperta securibus ardua & impedita itinera ad Ibiapanos vnà cum P. Aloysio Frigheria penetrauit. Sed cum obstinatè peruicaces illas ceruices Christi iugo per nullas artes posset subigere, ac illi æterni Euangelij præcepta inuiti audirent: hoc die (vt habet Index MM) ab irruentium globo repetitis ictibus veſte lignea est interemptus maxillis contractis, excussis oculis, cranio comminuto, in desertis Ibiapanæ montibus, eo ipso tempore quo operam dabathoris diuini Officij recitandis. Socio ad necem quaesito, nec reperto, sœuitia omnis in sacram supellectilem furenter effusa. Corpus, barbaris quoque deinde uenerationi fuit, quod dicerent, se beneficentiâ illius pluuiam è cælo inſicientes agros eli-

Oratio.

cere. Huius nempe mortis gloriam ei P. Iosephus Anchieta prædixerat sub simbolo manuum ante cæleste conuiuium lauandarum.

P. FRANCISCVS
ALBERTVS.

Literaturæ, ac virtutis exacta Lvir, & Orientalium linguarum ap-primè peritus, eaque propter de plurimis præclare meritis. Smyrna peste afflicta illius charitatem luculenter experta suspexit. Eadem nauitas in Naxo insula eluxit: vbi cum epidemico malo afflatæ fœminæ opem ferre Sacerdos Græcus horreret, ipse adijt morientem, eamque Sacramentis expiauit, morbo lethali mox inde correptus. Aiunt qui morienti adfuerè, totum eius cubile (verba sunt epistolæ de illo conscriptæ) miro lumine per horam & ampliùs circumfulsiſſe; atque paulò post cum corpus terræ mandaretur, suauissimum perceptum fuisse odorem.

Gallus in Naxo insula incerto die. 1691.

Charitas.

Mors.

XII. DIE IANVARII.

P. ANTONIVS
MADRIDIVS.

A Pastoricia vita ad Scholas transgressus, & Salamanticæ Theologiæ Doctor, in Societate postea cum vestem primam indueret mirabili gaudio delibutus, errorem correxit, quo putabat se non nisi mæltissimam vitam in Societate ducturum. Nunc verò aiebat se proximas cælestibus deliciis experiri, qui ferè hæctenus in inferno vixisset. Asthma quo laborabat, vocabat suum op-

timam monitorem. In concione ardens & potens, prius in se sæuius desauiebat, quàm in suggestum prodibat. Verum illi postea non nisi 15. ictus permitti à Beato Borgia, dicente; reliquum obedientiæ daret. Fertur, quodam die Compluti, plurimas flagitiosæ frontis feminas concioni Antonij adfuisse, atque vnà omnes ab obscænitare suâ respuisse, in tuto mox portu castimonix collocatas. Dono la-chrymarum mirificè felix, in se excitando ac perurgendo flagrans, dicebat sibi: *Morere tibi: perpetua Dei laus vita tua sit: Orationis tempore sic utere, quasi*

Concionator. Mortif.

Oratio.

C 3. calesi.

17. Ian. Hispanus Compluti. 1563.

Vocatio.

Lætitia spirit.

Morbus.

*Iaculatoria.
Cor.*

caelesti pane ad animi nutrimentum. IESV, custodi cor in eum in timore & amore ante oculos tuos, qui me undique conspiciunt. Vocabatur carbo ignitus, accendens domesticos & externos igne amoris DEI. Compluti i. Ianuarij ita dixit, vt non Madridij, sed Angeli ea fuisse concio diceretur. Mox ager, sub mortem Sacrosanctam Trinitatem flagranter allocutus: Valete Patres, inquit, ego eo. Ad Crucifixum post plura: Habes ait, ubi diuitias bonitatis tua ostendas. Tu Agnus DEI qui tollis peccata Mundi, & huius scelerati peccata tolle. Mox Mariæ Matrigratix, vt in hora mortis susciperetur, se commendans, viuere desijt.

Mort.

B. V.

P. P E T R V S
A Z E B E D I U S.

*Hispanus
Madridi.
12. Ian. 1573.
Mortific.
Carnu, &
sanctissime.*

Humilitat.

Vir cum alijs Virtutibus clarus, tum sui subigendi studiosus. Toledo diu abfuerat, neque tamen suos interuifere voluit, illac postea iter habens Madridum; vt quibus iam pridem non viueret. Impetrauit Socium, à quo de culpis, quas forte aduerteret, corripere-
retur; vtque ille haberet quod diceret, earum ille catalogum adnotabat & dilectum illum amicum illas legentem fixis humi supplici gestu, aperto capite, genibus, cum significatione voluptatis audiebat.

P. P E T R V S
M A N R I Q U E.

*Hispanus
Compluti.
12. Ian. 1577.
Vocatio.*

Hic opulentam domum spesque ingentes & Sacerdotij luculenti lauitiâ cur Societati post haberet, præclaro commentario testatum fecit, & multis ad religiosam vitam eo maiori exemplo fuit, quo è maiore gigante factus est vnus de minima Societate Ie-

sv, quæ res multos ad lachrymas, nonnullos ad imitationem quoque permonit. Vita illius in Societate ferè illustris ad mortem apparatus fuit. Sub Crucifixi Christi effigie affixit hæc verba in cubiculo: *Sepelire, cum sis mortuus: factebis insepultus.* Hanc in curam prouidenter omnia referebat, vt morienti prodesse, quæ ageret. Hunc in finem libellum extremo tempore destinatum, delectis Psalmorum & SS. Patrum sententiis impleuit, legendis tunc à quopiam ad id iam destinato. Prædixit sanus, se ad finem sequentis septimanæ migraturum è vita. Et migravit suauitate, ac pietate tantâ, vt Dominico Fernandez Coadiutori, moriendi desiderium iniecerit; petenti que vt sequi posset, id se à Deo impetraturum receperit; id quod & impetrauit vt 8. May dicam in Dominico.

Crucif.

Mort.

P. I A C O B V S
L E V A N T U S.

Hic à Societate olim defecerat, sed reditu impetrato, damnum instantiæ mirabili ardore, ac vocationis æstimatione, fuis persepè vberimis lachrymis pensauit, magnum Domi & foris exemplum. In Pattenfi Missione, cum de Philippi Regis obitu concionaretur, vates mortis suæ factus prædixit. Quis scit vtum ad decimum quintum diem (de meipso primum loquar) sit peruenturus? Tertio decimo die febris accensus, impensè desiderabat nostros audire loquentes, ideoque rogabat enixè socium, vt loqueretur, incredibile enim est, inquebat, quantum solatij capio ex nostrorum colloquio: videor enim mihi cum Angelis colloqui. Sic ille à casu suo fortior ad magnam virtutis præstantiam assurrexit.

*Siculus in
Missione
Pattenfi. 12.
Ian. 1598.
vel 99.
Vocatio.
Tentatio.*

Mort.

P. IOAN.

P. IOANNES
GERARDINUS.

Hic moriens aiebat, cum qui lætus mori vellet, illam sibi lætitiã vt obedientiã alacritate pararet. Animam suam ad felicem breui exitum è parietinis corporis mirã plenus fiducia hortabatur. Promissum Religiosis regnum Cælorum, qui nempe Patrem, Matrem &c. reliquerit, syngrapham suam vocabat; illam verò Christi affirmationem, *Amen, Amen*, dicebat esse duo sigilla. Quocirca negabat se inuitum mori, vtpote syngrapha gemino illo sigillo munitã pro Cælo luculenter instructum. Inter suprema, quæ dixit, fuere hæc. *O MARIA! certe tribularer nimium si nescirem tuum patrocinium. Quæ Sophia Mater, clemens Patrona, dulcis Virgo in hora mortis tuo presidio fulciar, tuo munimine protegar. Tu quasi Terebinthus extende ramos, & me lassum refocilla.*

P. HIERONYMVS
RAMIREZ.

An te in vitam Societatem, non vnã, camque nobilem de se victoriam retulit, cum pauperibus ad cœnobiorum fores aliquando vesci, & vlcerosum mendici pedem osculari conspectus. Repente vir specie venerandã illi apparuit, & diserte dixit, *DEI* voluntatem esse vt se Societati Iesu adiungeret. Vt de Diuinis rebus colloqui posset ardentius, collegerat dicta & facta insignia Sãctorum, quæ

narrabat. Ante alios vnã horã semper orabat manẽ, alterã deinde cum alijs. Per iter crucifixum è sinu educebat, & suauissimè illi loquebatur. In Mexico Tepegnanos & Parras primus adijt, eoque lucem Euangelij primus inuexit, perpeffus plurima, & semper animabus intentus. Adolescentem quendam in conclaui repente adijt, & monuit, ne cogitationibus quibus impetebatur locum daret, ac in ijs appellendis esset magis experrectus & celer. Collegio Conuictorum cum præfesset, sæpe arcana cordium adolescentum ei aperiebat Deus. Vnde veniam exeundi aliquando petentibus, eam negans dicebat quid acturi exire vellent, adeoque illos ad confessionem hortabatur. Quare illi ab eo ad confessorij pedes abibant. Et si quis non satis bene conscius sibi esset, cauebat ne in oculos illius incurreret, quippe cui corda iuuenum manifesta esse credebant passim. In missionibus plurimos ad fidem Christi adiunxit.

P. CORNELIVS
MURGIA.

Silentij, cubiculi, studiorum, ac animarum DEO quarendarum enixè amans, internos DEI loquentis instinctus obedienter audiebat, præclarum piæ semper modestiæ spectaculum. Morituro adfuit Beatissima Virgo Mater, & paruulum è sinu IESVM illi ostendens, magno illum solatio impleuit, vultum verò radijs lucis perfudit. Hinc illi suauissima lachrymæ, fortis dolorum patientia suspirijs piè condita.

XIII. DIE

Belga Pul-
toriz. 12.
Ian 1606.
Obed.
Mors.

Vocatio.

B. V.

Hispanus
in Mexico
in mission.
12. Ian. 1621.
Stat. 63.
Soc. 43.
Mortif.
Vocatio.

Colloquia.

Oratio.

Fides.

Casus.

Sardus.

12. Ian. 1640.

B. V.